

**БАТЛАВ:**

МОНГОЛ УЛСЫН ИХ СУРГУУЛИЙН  
СУРГАЛТ, ОЮУТАН ХАРИУЦСАН  
ДЭД ЗАХИРАЛ, ДОКТОР

111144746... Б.ОЧИРХУЯГ  
УХД0072 9104399

**БАТЛАВ:**

ХОВД ИХ СУРГУУЛИЙН  
СУРГАЛТ ЭРХЭЛСЭН  
ДЭД ЗАХИРАЛ, ДОКТОР

О.МӨНХЖАРГАЛ  
УХД0072 9104399

## ХҮРЭЭЛЭН БУЙ ОРЧНЫ БОДЛОГО, МЕНЕЖМЕНТ, ТЕХНОЛОГИЙН АХИСАН ТҮВШНИЙ INTENSE ХӨТӨЛБӨРИЙН ХҮРЭЭНД ХАМТРАН АЖИЛЛАХ ГЭРЭЭ

2019 оны 04 сарын 26-ны өдөр

Дугаар ...

Улаанбаатар хот

### Нэг. Нийтлэг үндэслэл

- 1.1. Нэг талаас Монгол Улсын Их Сургууль (цаашид МУИС гэх), түүнийг төлөөлж Дэд захирал Б.Очирхуяг, нөгөө талаас Ховд Их Сургууль (цаашид ХИС гэх), түүнийг төлөөлж Дэд захирал О.Мөнхжаргал нарын хооронд Европын Холбооны Erasmus+ хөтөлбөрийн Дээд боловсролын чадавхыг бэхжүүлэх нь 2-р үйл ажиллагааны хүрээнд тус хоёр их сургуулиудад хэрэгжиж буй Хүрээлэн буй орчны бодлого, менежмент, технологийн ахисан түвшний INTENSE хөтөлбөрийг Монгол улсад нутагшуулан хэрэгжүүлэх зорилгоор харилцан тохиролцож энэхүү гэрээг байгуулав.
- 1.2. Талууд хамтын ажиллагаандаа хуулийг дээдлэх, харилцан бие биеэ хүндэтгэх, байгууллагуудын хоорондын харилцааны хэм хэмжээнд үндэслэн бүтээлчээр хамтран ажиллах зарчмыг баримтална.
- 1.3. Гэрээний үндсэн чиглэлүүдээр тодорхой ажлуудыг гүйцэтгэхэд тухай бүр харилцан тохиролцох замаар гэрээ байгуулан гүйцэтгэнэ.

### Хоёр. Гэрээний зорилго

- 2.1. Хүрээлэн буй орчны бодлого, менежмент, технологийн ахисан түвшний INTENSE хөтөлбөрийг Монгол улсад нутагшуулан хэрэгжүүлэх, зайн сургалтын хичээлүүдийг бэлтгэх, ахисан түвшний хамтарсан, зайн сургалтын хөтөлбөрийг боловсруулахад энэхүү гэрээний зорилго оршино.

### Гурав. Талуудын нийтлэг үүрэг

- 3.1. МУИС болон ХИС нь дараах эрх, үүргийг харилцан тэгш хүлээнэ.
  - 3.1.1. Хүрээлэн буй орчны бодлого, менежмент, технологийн ахисан түвшний (магистр, доктор) хамтарсан зайн сургалтын сургалтын хөтөлбөрийг бий болгож, хэрэгжүүлэх,
  - 3.1.2. Талууд өөрсдийн санал болгосон зайн сургалтын хичээл, хөтөлбөрийг өөрсдийн хүний нөөц, техникийн боломж дээр тулгуурлан тогтоосон цаг хугацаанд хийж гүйцэтгэх,
  - 3.1.3. Талууд зайн сургалтын материал бэлтгэх, түүнийг интернэт орчинд байршуулж, олон нийтэд түгээхэд харилцан биедээ хүний нөөц болон техникийн туслалцааг үзүүлж болох бөгөөд үүнийг тусдаа гэрээгээр зохицуулах,
  - 3.1.4. Зайн сургалтын дотоод журмыг хамтран боловсруулж, Талууд хамтран батлах,

3.1.5. Зайн сургалтаар олгогдох багшийн болон оюутны багц цагийн асуудлыг өөрсдийн дотоод журмын хүрээнд зохицуулах, эс бөгөөс харилцан тохиролцож, түүнийгээ баталгаажуулах,

3.1.6. Хамтарсан зайн сургалтыг амжилттай дүүргэсэн төгсөгчдөд олгох эрдмийн зэрэг, диплом, түүний нийгэмд хүлээн зөвшөөрөгдөх асуудлаар тусдаа ажлын хэсэг байгуулж, шийдвэрлэх,

#### **Дөрөв. Гэрээний хэрэгжилтийг зохион байгуулах, дүгнэх**

- 4.1. Гэрээг хэрэгжүүлэх талаар Талууд жил бүрийн эхэнд төлөвлөгөө гарган баталж, ажиллана.
- 4.2. Гэрээнд заагдсан ажлын явц, хэрэгжүүлсэн ажлын үр дүн, хөрөнгийн зарцуулалтыг жил бүр хэлэлцэж байна.
- 4.3. Гэрээний талууд хамтын ажиллагааны гэрээнд заагдсан ажлыг хэрэгжүүлэхдээ тэгш оролцоог хангана.
- 4.4. Аль нэг талын тавьсан санал хүсэлтийг шуурхай шийдвэрлэж, ажлын гүйцэтгэлийг сайжруулах талаар гаргасан шаардлага, ажлын явцын мэдээллийг Талууд хамтран хэлэлцэнэ.
- 4.5. Гэрээг хэрэгжүүлэх үйл ажиллагаанд Талууд хамтын хяналт тавина.
- 4.6. Гэрээг хэрэгжүүлэх үүргийг Талуудын төлөөлөгчид биечлэн хариуцах бөгөөд МУИС-ийг төлөөлөн Хэрэглээний Шинжлэх Ухаан, Инженерчлэлийн Сургуулийн Хүрээлэн буй орчин, ойн инженерчлэлийн тэнхимийн профессор О.Алтансүх, ХИС-ийг төлөөлөн Байгаль Шинжлэл, Технологийн Сургуулийн Газарзүй-Геологийн тэнхимийн профессор Б.Баярхүү нар байна. Төлөөлөгчдийн ажлыг үнэлэх асуудлыг Талууд өөрсдийн дотоод дүрэм, журмаараа зохицуулна.

#### **Тав. Гэрээ хүчин төгөлдөр болох, гэрээний хугацаа**

- 5.1. Талуудын эрх бүхий төлөөлөл гэрээнд гарын үсэг зурснаар гэрээ хүчин төгөлдөр болно.
- 5.2. Талууд харилцан тохиролцож, гэрээнд нэмэлт өөрчлөлт оруулж болно.
- 5.3. Талууд энэхүү гэрээгээр хүлээсэн үүргээ биелүүлээгүй буюу зохих ёсоор биелүүлээгүй тохиолдолд, түүнчлэн гэрээг биелүүлэхтэй холбогдон гарсан аливаа санал зөрөлдөөн, маргааныг зөвшилцөх замаар шийдвэрлэнэ.
- 5.4. Гэрээний хугацаа 5 жил байх бөгөөд аль нэг тал цуцлах санал бичгээр гаргаагүй тохиолдолд дахин 5 жилээр сунгасанд тооцно.

### **ГЭРЭЭ БАЙГУУЛСАН**

ХШУИС-ийн Хүрээлэн буй орчин,  
ойн инженерчлэлийн тэнхимийн  
профессор О.Алтансүх

.....

Огноо: 2019-04-26



БШТС-ийн  
Газарзүй-Геологийн Тэнхимийн  
профессор Б.Баярхүү

.....

Огноо: 2019-04-26

